

Ethica Symbolica E Fabularum Umbris In Veritatis Lucem Varia Ervditione Noviter evoluta

Pexenfelder, Michael Monachii, 1675

Symbolum XCVI. Mars, Deus belli.

urn:nbn:de:hbz:466:1-68709

juxta vulgare verbum: Dives aut iniquis est, aut iniqui bares. Habet igitur Pluto strenuum in silio emissarium, qui spargit nummos, ut viam sternat ad inseros. Quanta verò sit huius aurei aut ærei Numinis apud omnes gratia & veneratio, ostendunt duo vetusti versiculi:

Audito nummo, quasi quodam Principe summo Dissiliunt valvæ: nil auditur, niss salve.

SYMBOLVM XCVI,

Mars, Deus belli.

Ethicè.

1. Martis comitatus quid significet. Eius effigies. Bellona. Animalia Marti sacra. 2. Belli miseriæ. 3. Effectus. 4. Bellum justum. 5. Prudentia bellica. Celeritas in bello. 6. Martis currus, Symbolum est Pax iracundi. 7. Quinque sensus, Solis filiæ. 8. Victoria. 9. Pax.

Tymon auius dei à Varrone lib. 4. de ling Lat, ducitur inde, quod maribus in bello præsit. A Poëtis Mavors, appellatur per epenthosin, quod magna vertat. Hic Jovis & Junonis filius esse fingitur ; vel , ut Ovidius fabutatur , solius Junonis. Cum enim olim Juno turbata, quod animadverrisset Jovem percusso capite, sine feminæ commercio procreasse Minervam, versus Oceanum proficisceretur, percontatum, quo pacto & ipsa sine viro parere posset, itineréque fatigata, juxta fores deæ Flora, conjugis Zephyre consedisset; interrogata ab ea fertur, quam ob causam ad Oceanum pergeret : qua cognità, facturam se voti compotem deam pollicita est, si id Juno celaret Jovem. Quod cum Juno jurejurando promisisset, mox illam Flora monuit, in campis Oleniis Achaiæ regionis florem esse, quô tactô statim conciperet sine viro. Id experta Juno, concepit, & peperit filium; quem Martem nominavit. Dicitur is Gradivus, five à gradiendo in bello ultro, citroque: five à gradu militari, quo viginti millia passuum, seu quinque milliaria Germanica æstivis diebus sunt conficienda militi. Geticis Mars arvis præ-Eeee 3

sidere fertur, quia apud Thraces potissimum colebatur, eiusque sacra humanis hostiis siebant. Antiquissimum ei templum olim Roma suit in Campo Martio, qui nomen inde habet. Mars etiam Vltor à Romanis cultu religioso afficiebatur, cui templum Augustus exstruxit bello Philippico, quod Casaris patris sui ulciscendi causa susceperat. In aditu ejus templi ante sores ab utroque latere Martis & Veneris statua visebantur, de quorum slagitioso congressus, ejusque manisestatione, in Venere diximus. Nullum etenim scelus tam occulte patratur, quod non protrahatur in lucem serius aut citius. Neque obscure Poeta per libidinem Martis & Veneris indicare voluerunt, quandoque milites, hujus utriusque Numinis stipendiarios esse.

Ethica.

I. (a) Timor, Ira, & Clamor sunt Martis comites inseparabiles. Ipse curru vehirur cruentam manu vibrans hastam; aurigatur sen regit currum Bellona, suriz propior, quam dez. Statius lib. 7. Achilleid.

---- regit ipfa jugales Sanguinea Bellona manu.

Terror ac Pavor juxta aliquos currum trahunt: secundum alios simul cum Bellona aurigas agunt; aut certe ut Satellites currum stipant, Claudlib. 1. in Russin. inducit Martem loquentem:

Fer galeam, Bellona, mihi, nexúsque rotarum Tende Pavor, frenet celeres Formido jugales.

Valerius Flaccus lib. 3. argonaur.

Martis equi, fic contextis umbonibus hærens.

Ambitiosius Papinius Iib. 3. Thebaid.

----- comunt Furor, Iráque cristas:

Frena ministrar equis Payor aligar

Frena ministrar equis Pavor aliger, ac vigil omni Fama sono, varios rerum succincta tumultus Antevolar currum.

Et Claud. lib. z. de laud. Stiliconis

Ditibus exuviis tendentem ad sidera quercum Præcedit, lictorque Metus, cum fratre Pavore, Barbara ferratis innectunt colla catenis. Formido ingentem vibrat succincta securim.

Vir-

Symbolum XCVI.

501

Virgilius inter comites Martis etiam Diras jungit & Discordiam, lib.

Celatus ferro, tristésque ex æthere Diræ, Et scissà gaudens vadit Discordia pallà;

Quam cum sanguineo sequitur Bellona slagello. Idem Æneid. 12. Turnum sortissime pugnantem, cum Marte com-

ponens, canit:

Qualis apud gelidi cum flumina concitus Hebri Sanguineus Mauors clypeo increpat, atque furentes Bella movens, immittit equos: illi æquore aperto Ante Notos, Zephyrumque volant: gemit ultima pulsu Thraca pedum, circumque atræ Formidinis ora,

Iræque, Insidiæque, Dei comitatus, aguntur. (b) Pingitur autem Martis imago, sanguineis vir oculis, truci vultu, galeato capite, loricato pectore (Horatius tunicam adamantinam ei circumdat) sinistrà clypeum, dextrà hastam præserens; quorum concussu equos stimulat, & in cursum impeliit. Circumfunduntur ei à latere, à fronte, à tergo variæ pestes, quarum meminimus. (c) Bellona & ipsa galeata est, capillis passis, sanguinolenta, flagellum dextrà sustinet, clypeum lævå, in quo lupus expressus; unde Martius appellatur à Marone 9. Aneid. Nam Marti canis , lupus , gallus , vultur , & picus funt facrati. Canis fidelitatem significat, necessariam bono militi & militari fortunæ: Lupus terocitatem & rapacitatem bellis familiarem indicat. Gallus vigilantiam docet : Vultur præsagam providentiam; nam olfactu valet: Picus constantiam in labore & oppugnatione: picus enim durissimum lignum tamdiu rosto percutit, dum perfringat & perforet. Benè Tullius: Parum sunt arma foris, nisi conssisum sit domi. deo Egnus etiam sacer est, eique immolari solitus; quia bellicosum est animal, & ad tubæ sonitum exultar in prælium. De hoc belli figno Maro 3. Aneid. ubi in ipio Italia aditu Aneas.

Quattuor hic (primum omen) equos in gramine vidit

Tondentes campum late, candore nivali.

Et pater Anchises, bellum ô terra hospita portas: Bello armantur equi: bellum hæc armenta minantur.

Bellona præterea tubas inflare & Martem accendere cantu dicitur. Silius lib. 5. Punic. ei facem in manus dat:

(b) Marcis effizies (c) Bellona. (d) Marti que animalia facra.

Ipfa



Ipla facem quatiens, ac nigram fanguine multo
Sparsa comam, medias acies Bellona pererrat.
Falcem quoque manu prætendebat. Claudianus lib. 2. in Eutrop.

----- Quid dudum inflare moraris

Tartaream Bellona tubam? quid stringere falcem

Qua populos à stirpe metis?

Ejus Sacerdotes vocabantur Bellonarii, de quibus Lactantius lib. 1.
c. 21. Eandem Bellonam vocant, in quibus facris ipsi sacerdotes non alieno, sed suo cruore facrificant: sectis námque humeris, & utraque manu districtos gladios exerentes currunt, & efferantur, insaniunt, seipsos ferro sauciant. Iidem vaticinabantur stragem populorum, aut eversiones urbium, ubi semel concepto surore transcurrere coepissent: issque maxima sides habebatur. Juvenalis Sat. 4.

Percussus, Bellona, tuo divinat &c.

Coronabatur autem Mars gramine; quod herbam abductis per bellum agricolis fovere censeretur, cum patiatur eam late serpere. Hinc victus herbam olim porrigebat victori: quæ consuetudo à passoribus profluxit, qui antiquitus cursu aut alio certamine superati, herbam ex eodem statim loco decerptam, adversario porrigebant. Et Plinio testante, Corona Obsidionalis dabatur è viridi gramine, obsessos servanti ac liberanti Duci. Nam summum apud veteres signum victoriæ erat, herbam porrigere victos, hoc est, terra & altrice humo, ac etiam humatione cedere.

II. (e) Haud immeritò Diræ adduntur Martis comitatui, Acherontis & Noclis filiæ, animorum, sibi male consciorum exagitatrices, & variarum calamitatum invectrices; secundum etymon sunt quasi Deorum iræ; succinctæ serpentibus, & alis ad volandum & celeriter nocendum præditæ. De his Virgilius lib. 12. Æneid.

Hæ Jovis ad solium, sævique in limine regis
Apparent, acuúntque metum mortalibus ægris,
Si quando lethum horrisicum, morbósque deum Rex

Molitur, meritas aut bello territat urbes.

Servius in hunc locum easdem facit cum Furiis, & in cœlo quidem Diras vocari ait, in terris Furias & Eumenides, apud inferos autem Stygias canes. Quod verò Martis sint comites, sapienter perspexere Poeta, bellum à Superis & Inferis immitti, sidque Furiarum ministerio. Hinc Juno bellum in Italia motura Trojanis 7. Æneid. Lucti-

(b) Beits mijeria.

Luctificam Alecto dirarum ab sede sororum, Infernisque ciet tenebris; cui tristitia bella, Iræque insidiæque, & crimina noxia cordi. Odit & ipse Pater Pluton, odere sorores Tartareæ monstrum, tot sese vertit in ora. Tam sævæ sacies, tot pullulat atra colubris.

Audiamus, quid hæc possit Furia:

Tu potes unanimes armare in prœlia fratres,
Atque odiis versare domos: tu verbera tectis,
Funereasque inferre faces: tibi nomina mille,
Mille nocendi artes: fæcundum concute pectus:
Disiice compositam pacem, sere crimina belli,
Arma vesit, poscatque simul, rapiatque juventus

Unde bellum à bellua quidam deducunt, quod belluarum sit, non hominum, in mutuum exitium congredi. Alii bellum nasi avrispeasiv dictum volunt, quod nihil habeat neque bonum, neque bellum. Lepidum est epigramma nostri Bernardi Bauhusii de Anco Velio adolescente, à Pallade ad Martem transeunte. Qui cum vidisset & audivisset.

Tympana, bombardásque, triumphalésque tonitrus, Cantricésque tubas níveo ductas argento, Et cocco rutilas aquilas, rutilásque pyropis, Tum Tyrias chlamydum luces, & texta sagorum Aurea, gemmatósque enses, atque omnia magnis Oblita divitiis; belli puer ictus amore: Me sine, me, genitor; bellum peto. dixit, at ille Me sine, mi sili, bellum nego, dixit, & aurem Vertit.

Exorato denique Velius parente

----- ille volat; bella aurea, & aurea castra Ferrea mox sentit.

Denique relatus domum paternam egens, pallens, æger, Is procul illacrimans: pudet, ô pater, & piget, inquit, Parcito: credideram Bellum miser adjectivum.

Nempe dulce bellum inexpertis; sed galeatum serò duelli pœnitet-Juvenalis in hos Martis pullos Sat. 10.

> Bellorum exuviæ, truncis affixa trophæis Lorica, & fracta de casside buccula pendens, Ffff

Humanis

Humanis majora bonis creduntur.

Cristata scilicet Martis galea , distinctus gemmis baltheus , feralè coruscans hasta, refulgens auro clypeus, phalerati equi, pictus currus, & in eo suspensa trophæa, hostiles exuviæ & spolia, impellunt mortalium animos in vulnera, cades, funera. Quibus occinas illud Hora-Quò, quò scelesti ruitis? aut cur dexteris

Aptantur enses conditi?

Parumne campis, atque Neptuno fuper Fulum est Latini sanguinis?

Neque hic lupis mos, neque fuit leonibus

Unquam, nisi in dispar feris.

Furórne cæcus, an rapit vis acrior?

An culpa? responsium date. Tacent, & ora pallor albus inficit, Mentésque perculsæ stupent.

Lentiùs in arma ruerent homuli, si meminisse vellent, incertos esse belli exitus, Martémque communem. Sailustius in Jugurtha ait: Omne bellum sumitur facile; cæterum ægerrime desinit. Non cujvis in potestate initium ejus & finis. Et alius : Initia belli penes Principes sunt, exitus penes fortunam. Poëtarum summus exclamat:

Nulla salus bello, pacem te poscimus omnes,

Idem 1. Georg. de belli tempore:

Tum multæ scelerum facies, non ullus aratro Dignus honos: squalent abductis arua colonis, Et curux rigidum falces conflantur in ensem.

Et Seneca:

Tum scelera, dempto fine, per cunctas domos Jere; nullum caruit exemplo nefas.

Item Lucanus:

Stat cruor in templis, multaque rubentia cæde Lubrica saxa madent: nulli sua profuit ætas.

Hine tyrannorum quispiam occisorum capita ramis arborum appendebat in horto suo; cujus vestibulo inscriptum: Bellaria Martis.

III. (f) Equidem ut Pax omnium bonarum rerum parens & nutrix est; ita Bellum, cujus calamitates per Furias indicari diximus, quidquid est lætum, quidquid pulchrum, obruit, extinguit, abolet, omniumque

(f) Belli effectus.

imque malorum Lernam in vitam mortalium effundit. Pacis tempore coluntur agri, vernant horti, pascuntur lætæ pecudes, ædificantur villa, exfruuntur oppida, instaurantur collapsa, ornantur & augentur exstructa, crescunt opes, aluntur voluptates, vigent leges, floret Reipublica disciplina, fervet religio, valet aquitas, pollet humanitas, calent artes opificum, uberior est quæstus pauperum, splendidior opulentia divirum; efflorescunt honestillimarum artium studia, eruditur juventus, tranquillo fruuntur otio senes, bonis auspiciis nubunt virgines, laudantur simili prole puerperæ, florent boni, minus peccant mali. At simul fava belli tempestas ingruerit, Deum immortalem! quam ingens malotum pelagus occupat, inundat, obruit universa. Abiguntur armenta, proteruntur segetes, trucidantur agricolæ, exuruntur villæ, tot sæculis extructæ florentissimæ civitates una procella subvertuntur. Civium opes ad milites transferuntur; mærent domus metu, luclu, & querimoniis: lamentis complentur omnia. Frigent artes opificum, pauperes extrema premit egestas : divites aut ereptas deplorant facultates, aut timent relictis, utroque modo miserrimi: Virginum aut nullæ, aut tristes & funestæ nuptiæ: desolatæ matronæ domi sterilescunt, silent leges, ridetur humanitas, nullum locum habet æquitas, religio ludibrio est, sacri & profani nullum omnino discrimen, corrumpitur omni viziorum genere juventus: damnant longævitatem suam luctuosi senes: nullus honos eff honestis litterarum studiis: in summa omnes delicias, amœnitates, commoda vitæ, ornamenta pacis, Bellona vel sua demetit falce, vel comburit face.

IV. (g) Sed quia Mars Deus est, & ex dea ortus, cur non repetiatur in bellis, quod laudari possit? Nam Cicerone teste de Ossic. Suscipienda bella sunt, ut sine injuria in pace vivatur. Cum tempus, necessarque postulat, decertandum manu est. & mors servituti, turpitudinique anteponenda, S. Ambrosius lib. 1. Ossic. c. 40. & 41. postquam multis exemplis ostendit, excelluisse quoque in populo Dei multos betlicæ fortitudinis laude præstantes, deinde his verbis concludit: Habes fortitudinem bellicam, in qua non mediocris honesti & decori forma est, quòd mortem servituti præserat ac fortitudini. Quæ res multos accendit, ut leonum instar spirarent Martem; quibusque dulce ac decorum erat pro patria mori; imò pulchrius pro religione, Deo, cœlo. At bellum multis est occasio cupide, avarè, crudeliter, impie agendi: num ideò nullum esse debet?

Ffff 2

Nil

(8) Cur bellandium ?



Symbolum XCV1.

596

Nil prodest, quod non lædere possit idem. Et latro, & cautus præcingitur ense viator, Ille sed insidias, hie sibi portat opem. Trist. lib. 2.

Sapienter Thucydides: Ut modestia est, quiescere, si non assiciaris injurià: ita justitia est, cum injurià lacessimur, bellum paci anteserre; & repressà injurià, post bellum rursus pacem facere: ne aut successu in bellis elati plura appetere, aut pati injurias mollitie & amore otii videamur. Et Sallustius: Sapientes Pacis caussà bellum gerunt, & laborem spe otii sustentant.

V. (b) Fingitur Mauors insidere currui, & suum ad arbitrium equos slectere. Claudianus describens insignem belli Ducem, hoc mo-

deramen equorum ad prudentiam militarem refert:

Qui non præcipiti, vel læta vel aspera rerum Consilio momenta regens, nec tristibus impar, Nec pro successu tumídus: spatiúmque morandi Vincendíque modum, mutatis noscit habenis.

Livius monet: Priusquam ingrediare bellum, cum tuas vires, tum vim fortunæ, Martémque belli communem propone animo. Agesilaus interrogatus, quid ducem belli præcipuè exornaret? respondit, adversus hostem audacia, & in oblata opportunitate consilium. Ut navis sine gubernatore ad scopulos impingitur & colliditur; sic militaris expeditio sine prudentia in præceps fertur. Paucis equidem temeritas in gloriam aut felicitatem ; plerisque in exitium cessit. Temerariorum conatuum documenta habemus in Flaminio apud Trasimenum lacum: in Varrone apud Cannas, cum quadraginta millium cæde litatum temeritati est: in C. Manilio, & Q. Cæpione contra Cimbros & Teutonas, octoginta millibus desideratis: in Hostilio Mancino triginta millibus à tribus Numantinorum millibus superatis, foeda etiam castrorum deditione : in Calpurnio Pisone , exercitu ejus à paucis oppresso : in Crasso contra Parthos, septem legionibus, cum equitum quatuor millibus, totidémque velitum, cumque ipso duce, ducisque filio cæsis aut fugatis. Quorum exempla docent, ut, qui bellica laude, felicitatéque excellere volunt, meminerint, feroces & exultantes generosioris animi spiritus, ceu rapidos Martis equos adducto cohibere, ac flectere freno. quidam : Corrigit præsentem lapsus prioris, ac de reprehensione anteceden-

(h) Prudentia in suscipiendo bello.

us exempli nascitur emendatio. Pingitur Mars armis horridus, acinacem manu rotans, cum lemmate: fortiter, sed caute:

Hic licet infestis nusquam penetrabilis armis Securus propria conditione Deus:

At caput Ætneo munit, pectusque metallo,

Ceu mortem impavidus terreat, ac paveat.

Confilium cauto Princeps à Principe sume: Sint tibi cuncta licet prospera, cuncta time.

Neque verò prudentià tantum opus est in bello inchoando, sed etiam, & vel maximè in gerendo: cujus rei symbolum est Capricornus, signum cœleste superiore parte Hircum aut Caprum, posteriore piscem referens, cum hoc carmine:

Addita sideribus radiantia cornua tollit

Squamigero constans Pisce, Caproque Fera.

Iras fronte gerit, cauda fluitante timorem,

Anterior terret, posteriorque fugit. Hoc Ducis officium, pugnax ut cornua sumat,

Et simulare sciat lubricus arte fugam.

Nam juxta Poëtam: Martis equi ante Notos, Zephyrumque volant. Quid hîc significatur? Celeritate opus ese in bello. Philosophi Romani esetum est: una rebus salus est, occurrere ad primos rerum impetus. A-lexander Macedo sestinatione vincebat; qui rogatus, quaratione tantum sibi imperium tam brevi tempore comparasset, respondisse fertur: nihil discrendo. C. Julius Cæsar Dictator, ut scribit Suetonius, Pontico triumpho inter pompæ fercula, trium verborum prætulit titulum: VENI, VIDI, VICI, Statius Martis currui etiam Famam volantem adjunxit: nam bella constant celeritate, & samà. Sæpe quod salsò creditum est, veri vicem obtinuit, inquit Curtius. Et Livius lib. 27. Famà bellum consicit, & parva momenta in spem, metumque impellunt. Accedit Tacitus: Fama in novis cæptis validissima est: primisque eventibus metus aut siducia gignitur.

VI. (k) Quidam per Mattem, designant hominem iracundum, & impotem animi. Mars enim instar suribundi à Poëtis pingitur. Et quid est ira, niss suror brevis? Mars celeri curru rapitur; nulla stabilitas in animo iracundo; ex uno affectu in alium revolvitur. Pracordia satui quasi rota carri, & quasi axis versatilis cogitatus illius, inquit Ecele-Ffff 3

(i) Celeritas in bello, (k) Martis currus imago hominis iracundi,

fiasticus c. 3.3. Ex confuso & turbido corde similes cogitationes prodeunt. Quid auribus est ingratius stridente currus rota? quid iracundi clamoribus magis absonum, aut inconditum? Et quales sunt rotæ currus hujus? indomitæ perturbationes, seroces & præcipites impetus, quibus animus in vindictam impellitur. Verè Isaias: Rotæ ejus, quasi impetus tempestatis. c. 5. In tempestate, quod est horror & caligo; hoc sunt in iracundo, offusæ menti tenebræ; quot in illa sunt tonitrua; hoc, in isto vociferationes & convitia: quod in illa, sulmina; hoc in isto minæ & intentata verbera: quod in illa ventorum constictus; hoc, in isto contrariorum assectuum tumultus: quod in illa sluctus, procellæ, nausragia; hoc in isto sunt totius corporis jactationes, & sæda præsertim osis spumantis, facies, & valetudinis ac honestatis extrema labes. Mars manu vibrat hassam; iracundus vindictam, nullo discrimine justi vel injusti.

VII. (1) Adulterium Martis, à Vulcano deprehensi & nexibus vincti, notissima res Poëtis est; Ovidius;

Mars quoque deprensus fabrilia vincula sensit : .
Notior in cœlo fabula nulla fuit.

De hoc figmento eleganter & caste Furius Publicus Fulgentius Episcopus lib. 2. Mytholog. scribit in hæc verba: Venus Marti concubuit; Sol eos Vulcano prodidit; hic catenas adamantinas excogitavit, quibus adulteros vinciret. Venus in doloris vindictam, quinque Solis filias amoribus succendit. Pasiphaen, Medeam (non illam Colchidem, Jasonis uxorem J. Phadram, Circen, & Dircen. Hac igitur amorum dea, quinque Solis filias, id est, quinque humanos sensus, luci ac veritati deditos, quasi Solis sœtus, hac corruptela suscat. Unde illis nomina. Primam Pasiphaën nempe omnibus apparentem, id est, Vilum vocarunt. Secundam Medeam, quasi Auditum, hoc est, under Bear, nullam visionem. Tertiam Circen, id est, Tattum, quasi dicerent xeigwr nestrir, manuum judicium. Quartam Phoedram, Odoratum, Grace Φέρων ήθην, ferens suavitatem. Quintam Dircen, Saporis indicem, quasi Sevonesin, acrè judicans. Quinque has filias exitiali morbo detentas interiisse ferunt, quo quid aliud innuitur, quam foedæ libidinis venenum per sensus in animum instillari, rursúsque ex animo in sensuum exitium, & totius corporis pestem redire? Hæc ille vir eruditus & pius, utique alius à S. Fulgentio, qui inter SS. PP. censetur. De etymo harum vocum non est necesse hic disputare.

VIII. (m)

(1) Quinque sensus sunt quinque solu filiza

VIII. (m) Dum de Marte agimus, Victoria quoque, qua Martis currum circumvolat, quaque ab antiquis inter deas colebatur, est mentio facienda. Depingebatur virginis alata habitu, vultu liberali & blando, capite laureato, manu dextra protensa lauri ramulum aut coronam lauream, lava palmam ostentante. Per alas dubia bellorum sors significatur: unde Ovidius lib. 8. Metam.

Inter utrumque volat niveis Victoria pennis.

Quidam armatam exhibent vultu hilari, sed pulverulento, manibus cruenta spolia gerentem. Vel etiam dextra sertum, sinistra vexillum tenentem, & globo insistentem. Quibus Symbolis indicatur Virtutem, maxime militarem, adversis probari; neque sudore tantum, sed etiam

sanguine constare belli gloriam.

IX. (n) Sed neque Pacis imaginem prætereamus, propter quam, ut diximus, bellum geritur. Aliqui eam repræfentant, accensa face armorum cumulum inflammantem; juxta illud psalmi 45. Arcum consteret, & confringet arma, & scura comburet igni. Alii Virginem pingunt altera manu ramum oleæ, altera vel cornucopiæ, vel caduceum præferentem; quòd omnia hæc pace, defensa, bello violentur. Alciatus pro Pacis emblemate proponit inversam militis galeam, in qua savos & mella consiciunt apes. Idem pro Symbolo Pacis pingit coronam spiceam, uvis circumdatam. Apud Pausaniam in Bæoticis, Pax sustinet in ulnis puerum Plutum: quò significatur, rerum opulentiam à pace soveri. Etiam spicas manu gestat & uvas, quibus frugum designatur copia. Olea quoque, lauro & ross coronatur; ut ossendatur, artium & scientiarum storem à Pace conservari. Sunt qui Pacem in curru olivæ frondibus cincto invehunt, esque comites addunt Religionem, Justitiam, Faustitatem, Tibullus lib. 1. eleg. 10. Pacem sic oculis subjicit.

Interea Pax arva colit; Pax candida primum
Ducit araturos sub juga curva boves.
Pax aluit vites, & succos condidit uvæ,
Funderet ut nato testa paterna merum.

Pace bidens, vomérque vigent, ac tristia duri Militis in tenebris occupat arma situs,



SYM-

(m) Virtus militaris & Victoria. (n) Pacis emblema, & fructus.